

《唐五十家诗集》

图书基本信息

书名：《唐五十家诗集》

13位ISBN编号：9787532564903

10位ISBN编号：7532564908

出版时间：2012-8

出版社：上海古籍出版社

作者：本社 编

页数：500

版权说明：本站所提供下载的PDF图书仅提供预览和简介以及在线试读，请支持正版图书。

更多资源请访问：www.tushu000.com

《唐五十家诗集》

内容概要

明代铜活字本唐人诗集是现存最早的大型唐人诗集丛书，汇集初盛中唐50位诗人的诗赋作品，所收各集与宋元旧槧有着密切的关系，有些集子所收录作品与现在所知该集的宋元刻本完全相同，有些甚至还保留着宋代避讳字，因此它具有重要的校勘的价值。因所据多为古本，且字体古朴，被称为“下宋一等珍本”，藏书家往往误认其为宋本。本书据原书缩印出版，附篇名索引。

《唐五十家诗集》

书籍目录

唐太宗皇帝集

虞世南集

许敬宗集

王勃集

杨炯集

.....

《唐五十家诗集》

精彩短评

- 1、这是一本明铜活字印刷的唐诗集，很好
- 2、明版影印，浓厚古典味，喜爱。
- 3、字体不错。

章節試讀

1、《唐五十家詩集》的筆記-第162頁

送郭司倉

映門淮水綠。留騎主人心。明月隨良掾。春潮夜夜深。

送李十五

怨別秦楚深。江中秋雲起。天長杳無隔。月影在寒水。

送張四

楓林已愁暮。楚水復堪悲。別後冷山月。清猿無斷時。

從軍行

大將軍出戰。白日暗榆關。三面黃金甲。單于破膽還。

送劉十五之郡

平明江霧寒。客馬江上發。扁舟事洛陽。窈窕含楚月。

長信秋詞

金井梧桐秋葉黃。珠簾不捲夜來霜。熏籠玉枕無顏色。臥聽南宮清漏長。
高殿秋砧響夜闌。霜深猶憶御衣寒。銀燈青瑣裁縫歇。還向金城明主看。
奉帚平明金殿開。且將團扇共徘徊。玉顏不及寒鴉色。猶帶昭陽日影來。
真成薄命久尋思。夢見君王覺後疑。火照西宮知夜飲。分明復道奉恩時。
長信宮中秋月明。昭陽殿下搗衣聲。白露堂中細草跡。紅羅帳里不勝情。

出塞行

白花垣上望京師。黃河水流無盡時。窮秋曠野行人絕。馬首東來知是誰。

青樓曲

白馬金鞍從武皇。旌旗十萬宿長陽。樓頭小婦鳴箏坐。遙見飛塵入建章。
馳道楊花滿御溝。紅粧纒綰上青樓。金章紫綬千餘騎。夫婿朝回初拜侯。

出塞

秦時明月漢時關。萬里長征人未還。但使盧城飛將在。不教胡馬度陰山。

寄穆侍御出幽州

一從恩譴度瀟湘。塞北江南萬里長。莫道薊門書信少。雁飛猶得到衡陽。

送魏二

醉別江南橘柚香。江風引雨入船涼。憶君遙在瀟湘月。愁聽清猿夢里長。

西宮秋怨

芙蓉不及美人粧。水殿風來珠翠香。卻恨含啼掩秋扇。空懸明月待君王。

春宮曲

昨夜風開露井桃。未央前殿月輪高。平陽歌舞新承寵。簾外春寒賜錦袍。

李倉曹宅夜飲

《唐五十家诗集》

霜天留飲故情歡。銀燭金爐夜不寒。欲問吳江別來意。青山明月夢中看。

浣紗女

錢塘江畔是誰家。江上女兒全勝花。吳王在時不得出。今日公然來浣紗。

閨怨

閨中少婦不曾愁。春日凝粧上翠樓。忽見陌頭楊柳色。悔教夫婿覓封侯。

2、《唐五十家诗集》的笔记-第164页

送朱越

遠別舟中蔣山暮。君行舉首燕城路。薊門秋月隱黃雲。期向金陵醉江樹。

別辛漸

別館蕭條風雨寒。扁舟月色渡江看。酒酣不識關西道。卻望春江雲尚殘。

送柴侍御

沅水通波接武岡。送君不覺有離傷。青山一道同雲雨。明月何曾是兩鄉。

西江寄越弟

南浦逢君嶺外還。沅溪更遠洞庭山。堯時恩澤如春雨。夢裡相逢同入關。

從軍行

烽火城西百尺樓。黃昏獨坐海風秋。更吹羌笛關山月。無那金閨萬里愁。
琵琶起舞換新聲。總是關山離別情。撩亂邊愁聽不盡。高高秋月照長城。
關城榆葉早踈黃。日暮雲沙古戰場。表請回軍掩塵骨。莫教兵士哭龍荒。
青海長雲暗雪山。孤城遙望玉門關。黃沙百戰穿金甲。不破樓蘭竟不還。
大漠風塵日色昏。紅旗半捲出轅門。前軍夜戰洮河北。已報生擒吐谷渾。

殿前曲

貴人粧梳殿前催。香風吹入殿後來。仗引笙歌大宛馬。白蓮花發照池臺。
胡殿笙歌西殿頭。梨園弟子和涼州。新聲一段高樓月。聖主千秋樂未休。

送萬大歸長沙

桂陽秋水長沙縣。楚竹離聲為君變。青山隱隱孤舟微。白鷺雙飛忽相見。

3、《唐五十家诗集》的笔记-第161页

客廣陵

樓頭廣陵近。九月在南徐。秋色明海縣。寒煙生里閭。夜帆歸楚客。昨日度江書。為問易名叟。垂綸不見魚。

和振上人秋夜懷士會

白露傷草木。山風吹夜寒。遙林夢親友。高興發雲端。郭外秋聲急。城邊月色殘。瑤琴多遠思。更為客中彈。

胡笳曲

城南虜已合。一夜幾重圍。自有金笳引。能霑出塞衣。聽臨關月苦。清入海風微。三奏高樓曉。胡人

《唐五十家诗集》

掩淚歸。

朝來曲

月昃鳴珂動。花連繡戶春。盤龍玉臺鏡。唯待畫眉人。

答武陵田太守

仗劍行千里。微軀敢一言。曾為大梁客。不負信陵恩。

4、《唐五十家诗集》的笔记-第158页

太湖秋夕

水宿煙雨寒。洞庭霜落微。月明移舟去。夜靜魂夢歸。暗覺海風度。蕭蕭聞雁飛。

江中聞笛

橫笛怨江月。扁舟何處尋。聲長楚山外。曲繞胡關深。相去萬餘里。遙傳此夜心。寥寥浦溆寒。響盡惟幽林。不知誰家子。復奏邯鄲音。水客皆擁棹。空霜遂盈襟。羸馬望北走。遷人悲越吟。何當邊草白。旌節隴城陰。

塞下曲三首

蟬鳴桑樹間。八月蕭關道。出塞入塞寒。處處黃蘆草。從來并幽客。皆共塵沙老。莫作遊俠兒。矜誇紫駟好。

飲馬渡秋水。水寒風似刀。平沙日未沒。黯黯見臨洮。昔日長城戰。咸言意氣高。黃塵足今古。白骨亂蓬蒿。

秋風夜渡河。吹卻雁門桑。遙見胡地獵。鞞馬宿嚴霜。五道分兵去。孤軍百戰場。功多翻下獄。士卒但心傷。

5、《唐五十家诗集》的笔记-第159页

潞府客亭寄崔鳳童

蕭條郡城閉。旅館空寒煙。秋月對愁客。山鐘搖暮天。新知偶相訪。斗酒情依然。一宿阻長會。清風徒滿川。

6、《唐五十家诗集》的笔记-第157页

變行路難

向晚橫吹悲。風動馬嘶合。前驅引旗節。千里陣雲匝。單于下陰山。沙磧空颯颯。封侯取一戰。豈復念閨閣。

7、《唐五十家诗集》的笔记-第163页

送狄宗亨

秋在水清山暮蟬。洛陽樹色鳴皋煙。送君歸去愁不盡。又惜空度涼風天。

西宮春怨

西宮夜靜百花香。欲卷珠簾春恨長。斜抱雲和深見月。朦朧樹色隱昭陽。

青樓怨

香幃風動花入樓。高調鳴箏緩夜愁。腸斷關山不解說。依依殘月下簾鉤。

《唐五十家詩集》

採蓮曲

吳姬越艷楚王妃。爭弄蓮花水濕衣。來時浦口花迎入。採罷江頭月送歸。
荷葉羅裙一色裁。芙蓉向臉兩邊開。亂入池中看不見。聞歌始覺有人來。

聽流人水調子

孤舟微月對風林。分付鳴箏與客心。嶺色千重萬重雨。斷弦收與淚痕深。

宴春源

源向春城春幾重。江明深翠引諸峰。與君醉失松溪路。山館寥寥傳暝鐘。

觀獵

角鷹初下秋草稀。鐵驄拋鞚去如飛。少年獵得平原兔。馬后橫捎意氣歸。

甘泉歌

乘輿執玉已登壇。細草霑衣春殿寒。昨夜雲生拜初月。萬年甘露水晶盤。

芙蓉樓送辛漸

寒雨連江夜入吳。平明送客楚山孤。洛陽親友如相問。一片冰心在玉壺。
丹陽城南秋海陰。丹陽城北楚雲深。高樓送客不能醉。寂寂寒江明月心。

重別李評事

莫道秋江離別難。舟船明日是長安。吳姬緩舞留君醉。隨意青楓白露寒。

別陶副使歸南海

南越歸人夢海樓。廣陵新月海亭秋。寶刀留贈長相憶。當取戈船萬戶侯。

巴陵送李十二

搖拽巴陵洲渚分。清江傳語便風聞。山長不見秋城色。日暮蒹葭空水雲。

《唐五十家诗集》

版权说明

本站所提供下载的PDF图书仅提供预览和简介，请支持正版图书。

更多资源请访问：www.tushu000.com